

QK. 794.

XIX. XIX.
v. Freywald

Z6
2218

70

X 2044689

Christliche Reichpredigt /
Aus dem Sprüchlein des Evangelisten
S. Matthæi am 6. Cap.

Trachtet am ersten nach dem Reich Gottes / vnd
nach seiner Gerechtigkeit / etc.

Beym Begrebnis der Edlen vnd Tugend-
reichen Frauen

MARGARETHEN,

Des Edlen vnd Hochgelahrten Herrn
Georgens von Freywaldt / bender Rechte
Doctorn, ehelichen Hausfrauen.

Welche den 22. Septembr. Anno 1625. bald nach
zwey vhr zu Mittage in Leipzig sanfftes Todes verschied /
vnd den 25. Sept. Christlich zur Erden bestat-
tet worden.

Behalten durch

POLYCARPUM Leysern D. Pfarrern
vnd Professorn daselbst.

BIBLIOTHECA
PONICIAVIANA



UNIVERSITÄTS-BIBLIOTHEK
HALLE
(SAALE)

Leipzig /

Gedruckt bey Abraham Lamberg /

Im Jahr / 1625.

V. 158.

19.



[Faint, mostly illegible text, possibly bleed-through from the reverse side of the page. The text is arranged in several lines and paragraphs, with some words appearing to be names or titles.]

MARGARETHERN

[Faint line of text]

[Faint line of text]

[Faint line of text]

[Faint line of text]

[Faint line of text]

[Faint line of text]

[Faint line of text]

[Faint line of text]



[Faint line of text]

[Faint line of text]

[Faint line of text]



)?()?()?()?((1))?()?()?(

**Lert der Reichpre-
digt/**

Aus dem 6. Cap. S. Matthei. v. 33.

Trachtet am ersten nach dem Reich
Gottes/ vnd nach seiner Gerech-
tigkeit/ so wird euch solches alles
zufallen.

Einang.

Sliebte vnd Andächtige in dem
Herren Jesu Christo/ Gleich wie der
Mensch von Gott nicht allein zu diesem
irdischen/ sondern auch zu dem ewi-
gen Leben erschaffen worden/ also hat er auch zwen-
erley Güter/ zeitliche vnd leibliche/ vnd denn himli-
sche vnd ewige aus der milden Hand Gottes zu ge-
warten. Vnd ist ausser allem zweiffel/ daß das
himlische Wesen vnd Güter/ allem zeitlichen weit
vorzuziehen/ vnd am meisten darnach zu trachten/
were auch von dem Menschen/ wenn er im stand der
vnschuld geblieben were/ dieses gebührlich in acht
genommen worden. Der trawrige Sündenfal
aber hat des Menschen Herz dermassen verderbet

A ij

daß



daß sich die Welt nun mehr in zwey Hauffen/ so nicht eines sinnes sind/ gleichsam theilet.

An einem theil finden sich die Weltkinder/ die irrdisch gesinnet sind/ deren der Bauch vnd zeitliche Güter ein Gott sind/ die nur darnach trachten/ wie sie Geldes vnd Gutes genug bekommen/ es geschehe mit oder wider Gott/ mit gutem oder bösem Gewissen/ vnd können doch daran nicht satt werden/ sondern wie das Feuer/ je mehr Holz man drein wirfft/ je heller brennet es/ vnd ob gleich in das Meer noch so viel Wasser fleußt/ so leußt es doch nicht vber/ also haben geizige Weltkinder nimmermehr genug.

Am andern theil ist das Häufflein der Christlichen Kirchen/ die waren Gliedmassen der selben/ die trachten nicht nach den zeitlichen vergänglichhen Gütern/ sondern ihre lust habē sie an Gottes Wort/ vnd reden von seinem Gesetz tag vnd nacht/ vnd erfreuen sich vber dem rechten gebrauch der heiligen Sacramenten/ ihr bester Schatz ist/ daß sie aus gnaden durch den Glauben haben vergebung der Sünden/ die gerechtigkeit/ das leben vnd seligkeit/ fellet ihnen darneben Reichthumb zu/ so hangen sie doch das Herz nicht daran/ giebet ihnen aber Gott ein weniges/ sind sie auch zu frieden/ leiden lieber noch am Leibe/ denn sie wissen/ daß es nicht lange weren wird/ als daß sie wolten mit der Welt grosse Güter sammeln/ vnd dort ewig darben.

Es



Es ist aber der Sathan ein vnverschämpter
 Gast/ vnd darff sich vnter die Kinder Gottes ma-
 chen/ auch deren etliche blenden/ daß sie wider mit
 irdischen Augen anfahren zu sehen/ darwider der
 H x x Christus im heutigen Evangelio trewlich
 warnet/ vnd seine Christen vermahnet/ sich wol in
 acht zu nehmen/ denn grosse gefahr dabey sey/ wol-
 len sie rechtschaffene Gottes Diener seyn/ so müssen
 sie dem Mammon zu dienst sich nicht begeben/ oder
 auch mit sorgen einen Mammon vnd vberfluß an
 zeitlichen Gütern suchen/ sondern mit andern Ge-
 danken vmbgeben/ vnd trachten nach den himli-
 schen Schätzen/ nach dem Reich Gottes/ vnd nach
 seiner Gerechtigkeit/ so werde Gott/ vns nicht ver-
 lassen/ sondern mit dem zeitlichen auch zur not-
 durfft versorgen/ vnd vns geben/ was vns an Leib
 vnd Seel/ zeitlich vnd ewig nutz vnd selig seyn
 mag.

Vnd weil wir in der Frühpredigt von dem
 schendlichen Mammonsdiest/ vnd von der schädli-
 chen Bauchsorge gehandelt haben/ so wollen wir
 das zeitliche jezo beyseits setzen/ vnd von den himli-
 schen Gütern/ als fromme Christen handeln/ vom
 Reich Gottes vnd seiner Gerechtigkeit/ das ist viel
 anmutiger zu hören.

Vnd zwar bey dieser Christlichen Leichbegäng-
 nis vnd bestattung einer solchen Person/ die im ge-
 meinen Geschrey gewesen/ daß sie einen vberfluß
 an zeitlichen Gütern gehabt hat/ vnd möchten wol

A III

gefun-



gefunden werden/ welche sich vor glücklich achteten/ wenn sie so viel Geldes vnd Gutes haben sollten.

Aber der elenden glücklichkeit/ wenn sie darinne bestünde/ so were sie nun mehr nicht glücklich/ denn sie der Todt des allen beraubet/ daß sie nicht eines Hellers mehr mächtig/ sondern ein Luch ins Grab/ damit schab ab.

Eine bessere glücklichkeit haben die Christen in dieser Welt/ daß sie in Gottes Reich seyn/ vnd dermal eines im ewigen leben der himlischen Schätze sollen theilhaftig werden.

Wolan wir wollen zur erklärang vnsers Sprüchleins schreiten/ Vnd

Erstlich/ mit einander reden vom Reich Gottes/ vnd seiner Gerechtigkeit.

Zum andern/ Wen Gott in solches Reich auff vnd annemen wolle.

Zum dritten/ Wie wir fleißig darnach trachten sollen/ daß wir hienein kommen.

Vnd daß solches mit nutz vnd frucht von vns geschehe/ wolle Gott seine gnade darzu verleihen/ vmb Jesu Christi willen/ Amen.

Vom



Vom Ersten Theil.

Wenn ein Lehrer auffstünde/ der fürgebe/ er wolte vnd köndte ein Kunst lehren/ wie mit einem geringen vnd wenigen/ einer ein gros Königreich vnd stattliche Schätze vberkommen solte/ würde gewis ihn jederman gerne hören/ Das kan aber niemand/ als der HErr Christus thun/ denn wie die Evangelisten zeugen/ so sind seine Predigten von nichts anders/ als ein Evangelium vom Reich Gottes gewesen/ Marc. 2. Von dem grössten vnd herrlichsten Reiche/ wie wir nicht allein als vnterthanen da hienein sollen kommen/ sondern auch als Erben es einnehmen/ vnd als Könige dar- in herrschen sollen.

Fragstu/ was ist es denn für ein Reich? So ist zu wissen/ es ist kein irrdisch Reich/ eines weltlichen Potentaten/ wie mächtig er auch seyn köndte/ sondern der HErr nennet es in vnserm Sprüchlein das Reich Gottes.

Wenn wir vns aber in heiliger Schrift umbsehen/ so befinden wir/ das dreyerley Reich Gott zugeschrieben werden.

Das erste wird in Schulen genennet regnum potentia, das grosse Weltreich/ darin Gott seine macht erwellet/ als ein regierer Himmels vnd der Erden/ vnd aller Creaturen/ die darinnen sind/ da der Himmel sein Stuel/ vnd die Erde seiner Füsse

Sch.



Schemel ist/von welchem Abraham Genes. am 14. saget: Er hebe seine Hände auff zu dem H E X X N den höchsten Gott/ der Himmel vnd Erden besizet. Denn die Erde ist des H E X X N/ vnd was drinnen ist/ der Erdboden/ vnd was darauff wohnet/ sagt David im 24. Psalm. Darumb wird Gott/ der allein gewaltige/ der König aller Könige/ vnd H E X X aller Herrn genennet/ 1. Timoth. 6. Denn ob viel Potentaten/ mächtige Königreich vnd Lande beherrscher haben/ so hat doch niemals jemandes vnter ihnen/ den ganzen Erdkreis vnter seine Botmäßigkeit gebracht/ dieses stehet allein Gott zu/ der ist ein herrscher vber alle Creaturen/ die müssen ihm zu Gebott stehen im Himmel vnd auff Erden.

Es sagt zwar David im 115. Psalm/ Der Himmel sey allenthalben Gottes/ aber die Erde habe Er den Menschen kindern gegeben. Solches ist zu verstehen de vfu, vnd vom gebrauch der Erden/ vnd bleibet doch Gott der Erbherr/ der alle Könige einsetzet/ auch wol absetzet/ wenn es seiner Majestet also gefällig ist.

Von diesem Reich aber redet der HErr Christus nicht/ denn wir sind ohne das in demselbigen/ dürffen darnach nicht erst trachten/ daß wir hinein kommen.

Das ander Reich Gottes wird genennet Regnum gratiæ, das Gnadenreich der Christlichen Kirchen/ welches auch in der Welt ist/ aber nicht

von



von dieser Welt/ vnd an denen orten gefunden
wird/ da Gottes wort rein vnd lauter geprediget/
vnd die heiligen Sacramenta außgespendet werden/
das wird genennet ein Himmelreich Matth. 13. Das
Himmelreich ist gleich einem Seeman/ der den Sa-
men göttliches Worts in die Herzen der Menschen
ausstrewet/ daß er Frucht trage. Es wird auch
Matth. 20. vnd 22. ein Himmelreich genennet/ vnd
einem Weinberge/ so wol einer Hochzeit vergli-
chen/ in welchen der HERR Christus der König zu
Zion ist/ in welches wir durch die Predigt göttli-
ches Worts gesamlet/ vnd in der heiligen Tauffe
eingeschrieben werden.

Vnd von diesem Reich Gottes redet allhier
auch nicht der HERR Christus/ denn er redet mit sei-
nen Jüngern vnd dem Volck/ welche zum theil
durch die Beschneidung/ zum theil durch die Tauffe
in solches Reich schon auffgenommen waren/ doch
darnach billich trachten sollen/ daß sie darin blei-
ben möchten ihr lebenlang/ bis sie aus dieser Welt
in die ewigkeit transferiret würden/ denn wie droben
gesagt/ so sind wir nicht zu diesem irrdischen leben
erschaffen/ vnd werden nicht ewig in der streitenden
Kirche bleiben/ sondern dermal eins zur ruhe ge-
bracht werden/ nach welcher wir trachten sollen.

Das dritte Reich ist Regnum gloriae, das Reich
der glori vnd Herrligkeit im Himmell/ in dem andern
vnd ewigen Leben/ da die heilige Dreyfaltigkeit

B

selbst



selbs wohnet / alle heilige Engel vnd außgewehle-
te Kinder Gottes seyn / vnd wir dermal eines dahin
gelangen wollen. Denn vnser wandel ist im Him-
mel / Philip. 4. Solches Reich wird Johan. 14. des
himlischen Vaters Wohnung genennet / Der Engel
Gabriel sagt davon Luc. 1. daß des Königreichs
kein ende seyn wird. Der HErr Christus nennet es
einen Paradies / Luc. 23. Da der Schecher begeret /
Er solt an in gedencen / wenn Er in sein Reich kom-
met / verspricht ihm der HErr: Heute soltu mit
mir im Paradies seyn. Vnd von diesem Reich re-
det der HErr Christus / darnach wir trachten sol-
len / vnd in dieser Welt vns lassen angelegen seyn /
damit wir also davon scheiden / damit wir an den
ort des trosts vnd ewiger freude kommen mögen.

Denn wir sollen wissen / daß nicht alle dahin
kommen / noch von Gott in dieses ewige Reich
auffgenommen werden / darumb sezet der HErr
noch eines darzu / nemlich die Gerechtigkeit. Denn
keine Obrigkeit nimmet einen zum Bürger an /
kein Edelman zum Vnterthanen / kein Lehrmeister
zum Jungen / er habe den einen Geburtsbrieff vnd
Zeugnis / daß er ehrlicher Geburt / vnd sich wol ver-
halten habe.

Also nimmet auch Gott niemand in dieses
Reich / er habe denn nach der Gerechtigkeit getrach-
tet vnd sie erlanget. Denn Gott ist ein heiliger vnd
gerechter Gott / der Gerechtigkeit liebet / vnd hasset

gott-



gottlos wesen/Psal. 5. Vnd wie auff seinem Berge
er niemand lest wohnen/ als der ohne wandel ein-
her gehet/vnd recht thut/vnd redet die warheit von
herzen/Psal. 15. Also wird in das himlische Jerusa-
lem niemand eingehen/der gemein ist/vñ der greuel
thut vnd lügen/Apoc. 21.

So wird nun Gerechtigkeit erfordert von al-
len/ die in das Reich Gottes kommen wollen/ vnd
zwar vollkommene Gerechtigkeit/ denn es heisset:
Seid vollkommen/wie auch Gott im Himmel vol-
kommen ist/ da mus keine Runzel noch Macel sich
finden in der Natur/ in Gedanken/ Worten vnd
Wercken.

Wo findet man aber einen reinen bey denen/
da keiner rein ist. Vnsern Geburtsbrieff können
wir nicht auffweisen/denn wir aus sündlichem Sa-
men sind erzeiget/ im 51. Psalm. Vnd was vom
Fleisch geboren ist/ das ist Fleisch/ sagt der HErr
Christus/ Johan. 3.

So können wir vns auch eines ehrlichen wan-
dels nicht rühmen/ denn wir sind allzumal Sün-
der/vnd mangeln des ruhmes/ Rom. am 3. Cap.
Vnd alles tichten vnd trachten des menschlichen
Herzen ist böse von jugend auff/ Genes. 6. vnd 8.
Denn der Mensch ist ein fauler Baum/ vnd kan
nicht gute Früchte bringen/ Matth. Cap. 7. Bis-
weilen befließigen wir vns der euserliche Zucht vnd

B ij

Erbar-



Erbarkeit vor der Welt/ aber damit ist es nicht außgerichtet/ Gott istet ins Herz/ vnd das sol recht schaffen für ihm seyn.

Weil denn bey vns keine Gerechtigkeit ist zu finden/ so müssen wir sie bey niemand anders suchen/ vnd verweist vns die heilige Schrift an den Herrn Christum/ von dem zeuget sie/ daß Er vns von Gott gemacht zur Gerechtigkeit/ 1. Corinth. 1. Denn da Er von keiner Sünde wuste/ hat er doch unsere Sünde auff sich genommen vnd bezahlet/ auff daß wir in ihm würden die Gerechtigkeit/ die vor Gott gilt/ 2. Corinth. 5. Der hat müssen leiden vnd sterben/ vnd das Gesetz erfüllen/ Er ist auch des Gesetzes ende/ wer nur an ihn gleubet/ Rom. 10. Denn durch glauben ergreifen wir diese Gerechtigkeit/ vnd werden ohne verdienst gerecht aus seiner gnade/ durch die Erlösung/ so durch Christum Jesum geschehen ist/ Rom. 3. Er schencket vns aber nicht allein seine vollkommene Gerechtigkeit, sondern giebet vns auch macht Gottes Kinder zu werden/ Johan. 1. Sind wir aber Kinder/ so sind wir auch Erben/ nemlich Gottes Erben/ vnd Miterbē Christi/ Rom. 8. Gal. 4. Vnd wie Christus in die Herrlichkeit Gottes eingegangen/ als sollen wir auch zu derselben erhaben werden.

Neben dieser Gerechtigkeit/ welche man in den Schulen Imputativam nennet/ fodert Gott auch eigene Gerechtigkeit/ welche in dieser Welt inchoata ist/ vnd einen anfang gewinnet/ durch die vernewe-

rung.



zung des heiligen Geistes / in jenem Leben aber consummata vnd vollkommen seyn wird. Denn ein jedes Reich hat seine gewisse Gesetz vnd Ordnungen / deren mus man kundig seyn / vnd darnach sein Leben anstellen. Vnd hat vns Gott seine Landesordnung in die heilige Schrift bringen lassen vnd vorgeschrieben / wie wir vns allhie verhalten sollen / damit Er vns in das ewige Reich auffneme.

Kürzlich solches zu berichten / so wil Er erstlich / daß wir sein Wort fleissig sollen hören / das ist billich / der Herr redet / wer wolt nicht hören / wer aus Gott ist / der höret Gottes Wort / Rom. 8. vnd darumb ruffet der Herr Christus: Wer Ohren hat zu hören / der höre / Matth. 13.

Zum andern / daß wir die heiligen Sacramenta fleissig sollen gebrauchen / denn durch die heilige Tauffe werden wir ins Buch des Lebens eingeschrieben / in dem heiligen Abendmal empfahē wir das Pfand der vnsterblichkeit / vnd daß wir an der Possess des Reichs Gottes nicht zu zweiffeln habē. Vnd stehet nicht einem jeden frey / sich der heiligen Sacramenten zu gebrauchen / oder es zu vnterlassen / sondern da ist Gottes Wort / Johan. 3. Es sey denn daß jemand von neuem geboren werde / aus Wasser vnd Geist / kan er nicht in das Reich Gottes kommen / vnd 1. Corinth. 11. So oft ihr von diesem Brot esset / vnd von diesem Kelch trincket / solt ihr des Herren Todt verkündigen / bis daß Er kömmt.

B ij

Zum



Zum dritten wird auch erfordert/ daß man das Leben nach Gottes Wort anstelle/ sich der gottseligkeit befließe/ vnd in einem Christlichen wandel erfunden werde. Denn wir sollen nicht Hörer allein/ sondern auch thäter des Worts seyn/ Jacob. am 1. Cap.


Vnd da neme einer vor sich die H. Schrift/ er wird genug zu thun finden.

Wir wollen nur bey dem 6. Cap. Matthei bleiben/ in welchen so wol auch im vorgehenden der H. Er Christus Gottes Landesordnung vor sich nimmet zu erklären/ weil sie von den Pharisäern vnd Schriftgelehrten sehr verkehret vnd verdunckelt worden.

Erstlich wil Er haben/ seine Christen sollen gern Almosen geben/ doch nicht auff einen schein vnd vor den Leuten/ sondern aus gehorsam gegen Gott/ Wenn nun einem Gott dieser Welt Güter bescheret/ vnd schleust seine Hand zu/ hilfft den Armen nicht in ihrer noth/ der ist kein rechter Christ.

Zum andern/ sollen Christen auch fleissig betē/ wie Er ihnen denn das Formular stellt/ doch nicht wie die Phariseer/ welche an den Ecken auff den Gassen beteten/ sondern ein jeder sol zu hause auch in geheim seyn Gebet fleissig verrichten/ sich doch auch zur Christlichen Gemeine halten/ vnd mit derselben zugleich seine Hände auffheben/ vnd die gemeine noth Gott fürtragen.

Zum



Zum dritten/ sollen Christen auch fasten/ doch nicht wie die Heuchler/ die ihr Angesicht verstellen/ sondern sollen sich in essen vnd trincken mässig halten/ bißweilen auch etwas an Speise abbrechen/ damit sie desto geschickter seyn zum beten vnd Gottesdienst/ sonst aber daß sie aus Karckheit dem Leibe wolten es abbrechen/ vnd wenn es Gott bescheret hat/ nicht geniessen/ ist ein stück vom Getz/ vnd nicht zu loben.

Zum vierdten/ sie sollen auch Schätze sammeln/ nicht grosse Geldklumpen von Gold vnd Silber/ denn sie machen viel sorge vnd mühe/ die Diebe trachten darnach/ andere hoffen oft drauff/ vnd weis man doch oft nicht/ wer es kriegen wird/ es giebet grossen streit vmb das zeitliche/ Christen trachten nach den himlischen Schätzen/ da die Diebe nicht nach graben vnd stelen/ sondern es wird vns die Beylage der H E X X Christus wol bewahren.

Dieses vnd anders mehr fodert Gott von denen/ die seine Reichßgenossen werden wollen/ vnd hat es alles kurz zusammen in die heiligen Zehen Gebot gefasset/ welche ein Spiegel sind der Gerechtigkeit die vor Gott gilt.

Aber genug von diesem/ wir müssen auch etwas von den andern zwey Punctlein berichten.

Der



Der Ander Theil.

Wil aber auch Gott in dieses sein Reich vns arme Menschen wider annemen/ haben sich auch alle des zu erfreuen? Die Calvinisten wolten gern ein Particular werck daraus machen/ geben für/ Gott wolle den wenigsten theil der Menschen zu diesem Reich lassen kommen/ den meisten theil derselben habe Er in seinem ewigen Rathschlus vbergangen/ vnd sie zur Hellen verdammet. Aber das sey fern von dem frommen vnd barmherzigen H Erren/ der nicht lust hat/ daß jemand verlohren werde/ sondern gönnet allen/ daß sie in das Reich kommen mögen/ welches aus allen seinen Wercken von anbegin der Welt her zu spüren ist.

Denn anfenglich so ist aus Gottes Wort klar vnd offenbar/ daß Gott den Menschen nach seinem Bilde in vollkommener Heiligkeit vnd Gerechtigkeit erschaffen hat/ zu dem ende/ daß Er vor ihm seyn vnd ihm dienen solte ewiglich: Denn wo Gerechtigkeit ist/ da ist auch Leben vnd Seligkeit. Nachdem aber durch den Sündenfall die Gerechtigkeit verlohren/ vnd des Menschen Hertz verfinstert/ daß es wenig von Gott/ seinem Reich vnd der Gerechtigkeit weis/ hat Er nicht allein sein Gesetz widerholen/ sondern auch die Evangelische Verheissung darzu gethan/ vnd an den verheissenen Messiam

Die



die Menschen verwiesen/ durch welchen sie von sünden/ vnd aus der gewalt des Sathans erlöset/ in dem Reich Gottes ewig leben sollten.

Vnd daß diese Lehre stets in der Welt getrieben würde/ hat Gott die heiligen Patriarchen vnd Propheten erwecket/ welche mit lehren vnd leben zum Reich Gottes die Menschen anwieseten/ wie sie sich denn auch dieses zeitlichen Lebens/ seiner Güter vnd Herrligkeit nicht angenommen/ sondern im elend herum wandert/ hunger vnd kummer gelitten/ auch schwere verfolgungē außgestanden/ denn sie die zukünfftige vnd bleibende statt suchten.

Endlich ist der Sohn Gottes selbst von seinem himmlischen Vater in diese Welt gesand worden/ daß Er Fleisch vnd Blut an sich nehme/ darinnen in allen versucht würde/ wie Er denn schmach vnd streiche/ vnd zu letzt den Tod für vns gelitten hat/ nur daß Er durch sein gehorsam vnd verdienst/ das verlorne Reich Gottes wider erwürbe vnd zu wege brechte. Vnd nach dem solch Werck der Erlösung menschliches Geschlechts von ihm verrichtet gewesen/ vnd Er vor an in das himlische Reich gefahrē/ hat Er den H. Geist gesendet/ die Menschen zu erleuchten vnd zu erneuern/ mit neuen kräfften zu begaben/ daß sie nach dem Reich Gottes trachten/ vnd darenin kommen köndten.

E

Wer



Wer wolte nun nicht aus allen diesen Wercken Gottes sehen vnd merckē/ daß es vnserm HErrn Gott ein rechter ernst sey/ vnd wolle daß allen Menschen geholffen werde/ vnd in sein Reich kommen möchten.

Er hat ja der ganzen Welt den Heiland gesendet/ der hat das jus regni coelorum allen erworben/ vnd lesset durch die Predigt der lieben Apostel vnd Successorn solches allen anbieten/ daß sie Buß thun/ vnd an Christum sollen glauben/ so sollen sie in das Himmelreich kommen. Er stretchet seine Hände aus auch zu den vngehorsamen/ vnd wil nicht/ daß jemand verlohren werde/ sondern daß sie busse thun/ glauben vnd selig werden.

Der Dritte Theil.

S G ist nun der mangel nicht an Gott/ sondern er leht an einem fleis nichts erwindē: Wolte Gott daß wir auch so fleißig darnach trachteten/ wie wir in das Reich Gottes komen/ wie gern vns Gott hinein wil helfen. Vnd darzu vermahnet vns der HErr Christus allhier/ wenn Er saget: Trachtet am ersten: Ihr lieben Jünger lasset das ewre sorge seyn/ vnd allen andern sachen vorgehen/ tag vnd nacht dencket daran/ wie ihr ins reich Gottes kommet.

Seid



Seid gleich einem Kauffman/ sagt der HErr
 im Gleichnis Matthæi am 13. Cap./ der gute Per-
 len suchte/ vnd da er eine köstliche Perle fand/ gieng
 er hin/ vnd verkaufft alles was er hatte/ vnd kauf-
 fet dieselbige: Suchet den HErrn Christum/ er-
 greiffet ihn mit warem Glauben/ da habt ihr die
 köstliche Perle/ vnd in ihm das ewige Leben. Denn
 wer in das Reich des Himmels wil kommen/ der
 mus sich erst im Reich der Gnaden/ vnd in der
 Christlichen Kirchen finden lassen/ da lehret man/
 wie man müsse trachten nach dem Reich Gottes/
 nemlich man mus fleissig zur Kirchen gehen/ Gottes
 Wort mit andacht anhören/ daraus lernen/ was
 vor ein herrliches Reich im Himmel wir zu gewar-
 ten haben/ welches der HErr Christus erworben/
 vnd allen die an ihn glauben/ außtheilen wil/ daß
 sie auch trachten nach der Gerechtigkeit dieses
 Reichs/ vnd nach Gottes Wort vnd befehl ihr le-
 ben anstellen/ vnd ihre Glieder zu dienst der Ge-
 rechtigkeit gebrauchen lassen. Wer dieses alles thut/
 der wird das ewige leben vnd Himmelreich gewis
 erlangen.

Es ist aber zu beklagen/ daß die Menschen we-
 der nach der Gerechtigkeit/ noch nach diesem Reich
 gros trachten.

Die Papisten lehren eine falsche Gerechtigkeit/
 vnd wollen durch ire gute Werck vnd erdichtete an-
 dacht dieses reich verdienen/ welches so es möglich wer

E ij

gewe-



gewesen/würde der himlische Vater seines Sohnes
wol verschonet/ vnd in den Todt nicht gegeben ha-
ben. Aber sie dienē damit Gott vergeblich/Matth.
Cap. 15.

Vnter vns bekümmern sich ihrer viel nicht
vmb das ewige Reich/ sondern vmb ein zeitliches
Reich/vmb äcker vnd Güter/Haus vnd Hoff/Geld
vnd Geldes wehrt/darnach trachten sie tag vnd
nacht/dafür sorgen sie/vnd können nicht wol abbre-
chen/dem lieben Gott auch zu dienen. Sie nemen
nicht in acht die Gerechtigkeit/ sondern was ihnen
gelüftet vnd beliebt/das thun sie/es geschehe gleich
wider Gewissen vnd alle Billigkeit.

Was wird aber Gott der Herr dermal eines
darzu sagen? Du Schaleksknecht/wird Er sagen/
Ich habe von Ewigkeit her vor dich gesorget/wie
dir zeitlich vnd ewiglich möchte geholffen werden/
aber du bist so Gottlos/blind vnd verstockt gewe-
sen/dasß du die ganze zeit deines lebens mit andern
Gedanken zubracht/mein Reich hastu wenig ge-
achtet/ so soltu auch nicht würdig seyn hienein zu
kommen/vnd der grossen Herrlichkeit zu genieffen.

Damit wir aber solche Donnerstimme nicht
hören dürffen/ so nemet des Herrn Christi verma-
nung in acht/ Trachtet am ersten darnach/ daß ihr
ware Gliedmassen der Christlichen Kirchen seid/
höret gern Gottes Wort/ vnd lernet daraus die
ware Gerechtigkeit/behaltet den Glauben/führet
einen gottseligen Wandel/ vnd achtet des zeitlichen

nichts/




nichts/ denn es ist vergänglich/ so werdet ihr der-
mal eins in das Reich der Glori vnd Herrligkeit
auffgenommen/ vnd der ewigen Seligkeit theilhaff-
tig werdē/ Das helffe vns Gott durch Jesum Chri-
stum/ Amen.

Zum Beschlus last vns auch etwas
von der selig verstorbenen vornemen/ vnd/ vermö-
ge des mir vberschickten Berichts/ hören/ wie sie
ihr leben geführet/ nach dem Reich Gottes getrach-
tet vnd seiner Gerechtigkeit/ vnd ein ansehliches
ihr zugefallen.

Es ist aber die selige Frau MARGARETHA
von Freywaldin/ aus einem alten vnd fürnemen
Geschlecht bey dieser Stadt geboren/ Anno 1552.
Mittwochs nach Oculi den 23. Martij/ zwischen 8.
vnd 9. vhr vormittage/ Ihr Herr Vater ist gewe-
sen der weiland Ehrnvehste vnd vorneme Herr Jo-
achim Volckmar/ Bürger vnd Handelsman all-
hier/ Ihre Frau Mutter/ Frau Catharina/ des
auch Ehrnvehsten/ Achtbaren vnd wolweisen Her-
ren Johan Hütters/ Sawmeisters vnd Kirchva-
ters zu S. Thomas/ eheleibliche Tochter/ von die-
sen ihren Christlichen Eltern/ ist sie von jugend auff
zur Gottesfurcht/ Tugend vnd Erbarkeit erzogen
worden/ vnd nach dem sie das 20. Jahr ihres Al-
ters erreicht/ ist sie dem Ehrnvehsten vnd Wolge-
achten Herrn Ludwig Gatten/ vornehmen Bürger

E lll

vnd



vnd Handelsman allhier/ Anno 1571. den 27. No-
vemb. ehelich außgestattet worden/ welcher als er
wegen seines hohen Alters/ der Handlung vberdräf-
sig gewesen/ sich ohne gefehr An. 1596. vmb ruhe we-
gen nach Grimme begebē/ vnd allda am 23. Martii
Anno 1598. gestorben/ vnd in der Kirchen zu S. Ni-
clas daselbst begraben worden.

Nach absterben ihres Ehwirths/ mit dem sie
in die 27. jahr eine friedliche/ jedoch vnfruchtbare
Ehe besessen/ ist sie wider nach Leipzig gezogen/ vnd
in die 14. jahr in ihrem Witwenstande verblieben/
vnd ihrer Haushaltung fleissig abgewartet/ wie sie
denn durch Gottes segen ein ehrlich vermögen von
ihrem Hauswirth S. erlanget/ vnd jezo hinter sich
verlassen hat/ damit sie auch Kirchen vnd Schulen/
iren armen Freundē vnd andern (weil sie Gott mit
keinen Leibesfrüchten gesegnet) hette dienē/ vnd ein
gedechtnis hinter ir lassen könen/ auch wol oft wil-
lens gewesen/ wie aus vnterschiedenē Copien irer Te-
stament zu sehē gewesen/ derē aber keines volzogen/
deñ sie aus menschlicher schwachheit irer selbs darzu
nit so viel mechtig gewesen/ vñ endlich darüber ver-
storben ist. Anno 1612. hat sie mit rath vnd einwilli-
gung ihrer Freunde/ sich mit dem Edlen vnd Hoch-
gelahrten Herrn Georgen von Frenwaldt/ beyder
Rechte Doctorn; jezigen hinterlassenen Witber/ an-
derweit in ein Christlich Ehegelöbnis eingelassen/
vnd am 1. Sept. zu Torgaw Hochzeit gehalten/ vnd
nach volbrachter Hochzeit/ sich mit irem Herrn wi-

der



Leichpredigt.

der nach Leipzig begeben/ mit welchem sie 13. jahr/
vnd 22. tage gleicher gestalt im Ehestand gelebt hat.

Ihren wandel vnd Christenthum betreffend/hat
sie Gottes wort lieb gehabt/vnd so lange sie fort ge-
funt/die Predigt desselbē besucht/vnd das N. Nacht-
mal in der Kirchen gebraucht/etliche jahr aber bis
anher/hat sie sich mehren teil zu hause gehalten/ ire
zeit wie die jenigen sagen/ so vmb ihr gewesen/mit
fleissigen lesen/vnd betrachtung des Worts Gottes
zugebracht/auch des HErrn Abendmal des jahres
zum öfftern/wie denn auch newlich vor 7. Wochen
gebrauchet. Frühe hat sie ihre Gebetlein selbst gele-
sen/oder ihr fürlesen lassen/ wie denn auch des Ta-
ges geschehen/an welchem sie Gott abgefodert hat.

Ihren abschied betreffend/ so ist sie vergangenen
Donnerstags/war der 22. September/zwischen 10
vnd 11. vhr vormittage in eine plötzliche vnvorsehene
Kranckheit gefallē/ darauff bald ein sanffter schlag
gefolget/vnd ob es wol an ordentlichen mitteln vnd
vorsichtigkeit der Herrn Medicorum nichts geman-
gelt/so hat es doch nicht fruchten wollen. Vnd weil
sie sich eine geraume zeit vbel auff befunden/vnd
balde am Stein/bald an flüssen ihre zufälle gehabt/
hat sie sich täglich dem getrewen Gott zu seinē gna-
den befohlen/ Als hat ihrauch der getrewe Gott die
schmerzen des todes in gnaden verkürzen wollen/
vnd sie also durch einen linden Schlag noch selbiges
tages eine v ertel stunde nach zwey vhr/ sanfft vnd
stille in Christo abgefodert vnd entschlaffen lassen/
ihres Alters im 74. jahre.

Der



Der getrewe Gott verleihe ihr eine
 sanffte ruhe/ vnd am Jüngsten tage eine
 fröliche Auferstehung zu dem ewigen
 Reich Gottes/ Regiere vns auch mit sei-
 nem heiligen Geiste/ daß wir nicht nach
 dem zeitlichen/ sondern nach dem Reich
 Gottes trachten/ vnd seiner Gerechtigkeit
 vns beflüssigen/ vnd was vns von zeitli-
 chen zufellet/ in friede vnd ruhe zu seinen
 ehren/ vnser vnd des Nächststen notturfft
 gebrauchen mögen/ damit wir aus dem
 Reich der gnaden/ in das Reich der
 glori vnd Herrligkeit versetzet
 werden/ vnd das wolle er
 thun vmb Jesu Chri-
 sti willen/

A M E N.

R E-



RECTOR ACADEMIÆ LIPSIENSIS,



Ons est consolationis vividæ, ve-
 rè aurea ista Regis & Prophetæ
 Davidis, à Christo in ara crucis
 pro nobis pendente, & sanctissi-
 mam animam suam exhalante,
 iisdem planè verbis iterata, & Patris sui cœle-
 stis honori consecrata precatio ; *In manus tuas
 commendo Spiritum meum, redemisti me Domi-
 ne, Deus veritatis.* Hoc namq; voto confir-
 mamur, animas nostras corporibus exeuntes
 neutiquam interire, sed potius manibus Chri-
 sti sanctissimis traditas superstites manere, &
 ab eodem semel acceptas suscipi, conservari &
 in sempiterna felicitate, sanguine ipsius precio-
 sissimo omnibus credentibus paratâ, vivere in
 æternum. Id quod etiam aliis plurimis S.S.
 Scripturæ testimoniis & promissionibus variis
 comprobatur. Quia verò homo instar bullæ &
 vaporis, & quasi flos agri est, qui manè efflore-
 scens, vesperi arefcit & decidit; ita ut nihil cer-

D tius




tius sit morte, & nihil incertius horâ mortis decretoria: Igitur semper & in omnib. vitæ hujus miseris & afflictionibus, maximè autè in ipso mortis articulo, cùm alias divinas promissiones ac consolationes efficacissimas, ex ipsis divinorum oraculorum fontibus exhaustas, tùm vel maximè hanc Christi Sospitatoris nostri oratione frequenter vsurpare, eadem consolari; atq; ita in vero timore DEI ad beatũ discessum præparare nos debemus, sub spe indubitata & fide firmissima salutarẽ Filii DEI Redemptoris nostri adventũ præstolantes, & totius animæ virib. eò laborantes, quò gemitus & verba nostra ultima in hoc mundo verbis Domini nostri Iesu Christi, in arâ Crucis pro nobis morientis, respõdeant. Quod si factum fuerit, nullum est dubiũ, piè & beatè emigrare ex hoc corporis ergastulo animã, & ex cunctis mundi hujus difficultatibus liberatã in verã æternæ felicitatis libertatem asseri. Hoc autè monere visum fuit, temporibus hisce periculosissimis, occasione præsertim ita ferente, ut in primis juniores, quibus dulce est vivere, triste autem mori, intelligerët,

sum-



summā sapientiæ humanæ esse, vitā & Spiritum
 commendare in manus Domini, & in solā divi
 nā redemptione acquiescere. Occasionē dedit
 funus foeminæ honoratissimæ, **MARGARE-**
THÆ, viri Nobiliss. & Clarissimi, Dn. **GEOR-**
GII à Freywalde / J. U. D. & c. quam, proximo
 die Jovis, in verā & salutari invocatione Christi,
 Salvatoris sui, vitā cum morte placidè commu-
 tasse accepimus. Nata fuit hīc Lipsiæ, Anno
281507ovias supra millesimū, quingentesimū, quin-
 quagesimo secundo, die Mensis Martii vigesimo
 tertio, Patre Dn. **JOACHIMO Volckmar** / Cive &
 Mercatore hujus loci spectabili; Matre verò
CATHARINA, Viri quondam prudentissimi,
 Dn. **IOHANNIS Hütters** / Reipublicæ Li-
 ppsiensis Senatoris & Ædilis filiā. Horum pa-
 rentum curā honestissimè & in omni pietate
 fideliter educata piè defuncta, vera **DEI** agni-
 tione & religioso pietatis studio nihil prius
 aut potius habuit, per omnem ætatem; idq;
 unicè operam dedit sedulò ac diligenter, ut
 in vero timore **DEO** Domino suo inserviret,
 & vitæ suæ cursum piè & honestè traduceret.

D 2 Hinc



Hinc factum, ut Anno *τ' παρ' ενοχίας* suprà millesimum quingentesimū, septuagesimo primo, die mensis Novēbris vigesimo septimo, nuptias fecerit cum viro honoratissimo, Dn. **LUDOVICO Gatten/** quondam Cive & Mercatore huius loci primario, qui, cum anno supra millesimum, quingētesimum, nonagesimo sexto, suas negotiationes, propter ætatē ingravescētem, reliquisset, GRIMMAM profectus, & ibi vigesimo tertio mensis Martii, Anni supra millesimum, quingentesimum, nonagesimi octavi, mortuus, in templo ad D. Nicolai sepulchrum suum obtinuit. Ab illo tēpore vidua permansit piē in Domino denata, annos supra quatuordecim; & toto illo tempore pietati studuit imprimis, reliquisq; virtutibus huic sexui maximē convenientibus, & per benedictionem DEI amplas sibi possessiones comparavit. Dehinc anno supra millesimum, sexcentesimū, duodecimo ad secunda vota rediit, & fidem dedit prædicto Viro Nobiliss. & Clarissimo, Dn **GEORGIO à Frenwalde/** J.U.D. &c. cumq; illo nuptias celebravit, ipsis Calendis Septembris, Torgæ; & postea Lipsiam reversa, hætenus in Conjugio

VIXIT



vixit annos supra tredecim. Quemadmodū ve-
 rò piè demortua religiosè vixerat à primis juvè-
 tutis suæ annis : Ita quoq; deinceps usq; ad ulti-
 mū vitæ tempus eandem vivendi regulā obser-
 vavit. Nam non solum publicè cum tota Eccle-
 sia verbū Dei libenter audivit, illudq; domi le-
 git diligenter, sed etiā quotannis ad sacram Sy-
 naxin sæpius accessit, & fidem suam piā & salu-
 tari corporis & sanguinis Iesu Christi fruitione
 mirificè confirmavit. Etsi autem hætenus pro-
 pter infirmitates corporis plurimas, quib. sub-
 inde subjecta fuit piè demortua, templū DEI
 frequentare haud potuerat; tamen, uti accepimus,
 domi sacra Biblia quotidie legit, & ex illis
 conciones & preces desumtas secum repetit, si-
 biq; ab aliis prælegi curavit; atq; ita nihil inter-
 misit, quod ad pietatis curā & vitā piè beateq;
 finiendam pertineret. Imprimis verò operam
 dedit sedulò, ut parata esset ad discessum ex hac
 vitâ; eamq; ob causam sibi mortalitatē suam sæ-
 pius in memoriā revocavit, & quotannis statis
 tēporibus, (id quod septimanis abhinc septem
 ultimò factum,) viatico illo saluberrimo cor-
 poris & sanguinis Christi instrui se curavit. Sed

D 3 cum



cū piē defuncta ad vitæ terminū longævū per-
 venisset, non solum variis morborū generibus,
 propter summā senectutē, supposita fuit, sed et-
 iam, proximo die Iovis, quī erat 22. hujus men-
 sis Septembris, horā circiter undecimā ante me-
 ridianam, incidit in Apoplexiā, & ex illa tandē
 placidissimē consopita, piē obdormivit; Anno
 ætatis suæ septuagesimo quarto. Anima piē de-
 nata matronæ sine dubio nunc in sinu Abrahamæ,
 inter gaudia triumphantis Ecclesiæ inenarra-
 bilia, requiescit suavissimē; Corporis verò Ex-
 uvix, finitis precibus vespertinis hodie, ad com-
 munē efferentur sepulturam. Quare officii ra-
 tione mandamus, ut Cives Academici frequen-
 tes conveniant, & cum Prorectore nostro Ma-
 gnifico funus, quod ex ædibus Dn. IOHANNIS
Rothheupts/Ædilis Reipubl. oppidanę specta-
 tissimi, in foro sitis, deducetur, ordine conveni-
 enti sequantur. Quod ipsum uti Ordini nostro
 Academico maximē conveniet, & per se pium
 ac honestum est; Ita procul dubio piē denatæ
 marito Nobiliss. & Clarissimo cæterisq; lugen-
 tibus gratū & acceptū futurum erit. P.P. Lipsiæ
 25. M. Septemb. Anno ᾠ ἀπολυτέωσεως M.DC.XXV.

EPI.



E P I C E D I A

In beatum obitum

Nobilis & honestissimæ Matronæ
MARGARETHÆ,

Viri Nobilissimi & Consultissimi,
Dn. GEORGII à Freywaldt/
J. U. D. & c. Conjugis di-
lectæ:

Conscripta

à Fautoribus & amicis.



Fato solvuntur, sunt connubia fato,
Mixtaq; sunt fato gaudia tri-
stitiæ.

*Cur ergo mirum annosam duxisse maritam?
Cui subitam nunc mors intulit atra necem.*

Donatus à Freywalde in Tammen-
hain & Heinersdorff/ & c. Eques
per Romanum Imperium exem-
tus, Aulæ Cæsareæ Comes.

Quæ



Que semper mortē meditatatur, eāq; præoptat
 Quæq; scit in Christi nomine prompta mori.
 Hanc improvisi non tollit virgula fati,
 Sed quâcunq; horâ commoda, grata, venit.
 Exemplo, hoc, FREYVALDE, suo, tua comprobat
 Quam non incautâ mors inopina tulit. (uxor,
 Annorum numero completo semper anabela,
 Ad superos subitis passibus ire, fuit.
 Ivit, & ex DOMINI voto sua fata subivit,
 Religiosa solo MARGARIS, apta polo.
 Mollia quapropter nunc ipsi fata precemur:
 Nos eadem hinc tollet mors, ubi JOVA volet.

Deproperavit Matthias Hoe ab Hoenegg D.
 Sacræ Cæsareæ Majestatis Aulæ ac Palatii
 Comes, nec non Sereniss. Dn. Electori Sax.
 à Concionibus primariis aulicis, confesio-
 nibus sacris, & Consiliis Ecclesiasticis.

Ergò tuam atrato vultu FREYVALDE maritâ
 Luges? quam lethum funerat emeritam.
 Hæc fati lex est: homines circumvolat alis
 Mortanigris; ejus spicula nemo fugit.

Iohannes Strauchius J. U. D.
 Aulæ Elector. Saxonix Consi-
 liarius.

Siste



*Siste modum lacrymis, FREYVALDE gravissime
 Doctor,
 MARGARIS occubuit dum tua falce Necis.
 Hæc damnata minus nigras Pblegethontis ad un-
 Descendit, fœdâ crimina morte luens. (das
 Ecce Redemptoris CHRISTI conspersa cruore,
 Viva perennanti gaudia sede capit.
 Huic igitur dulcem noli turbare quietem,
 Quam dedit ex obitu gratia ferre DEI.
 Omnes mors æquâ dissolvit lege, nec ulli
 Hic finit æternas incoluisse domos.*

*Ægidius Hunnius D. Ducatus Saxon,
 Altenburg. Superintendens
 generalis.*

*QVæcunq; vitam finiat horula,
 Solatiorum copia suppetit.
 Natura vel scriptura fletu
 Abstinuiffe docet soluto.
 Si vere primo, primula veris, &
 Carpantur immiti violæ manu,
 Nemo puellæ colligenti
 Ringitur, aut Domino vireti.*

E Si



Si regna Iulij spicea præsecet
 Messor, meretur laudis adorem;
 Uvas cruentè maceranti
 Accinitur modulo decente.
 Annosa quercus quando bipennibus
 Incisa brumæ tempore corrui,
 Nemo doloris signa, plures
 Lætitiæ petulanter edunt.
 Sic quando nobis ante novennium,
 Novendio uno, filiolos duos
 Et mortis evitaret unguis
 Par aliud Sobolis tenellæ;
 Cogebat uti Veris honoribus:
 Cum nuper Uxor lumine carior
 Utroq;, vivaci Sibyllâ
 Dignior occideret; jubebar
 Æstatis actæ vivere commemor.
 Autumnus urgens nunc ubi funera
 Condensat, & Proserpinali
 More per omnia regna sævit;
 Votis mederi, cedere cogimur
 Fatis; per unum quatrimum parum.

Fle.



Fletur, monente Ecclesiaste,
 Mox facilis subit unda Lethes.
 Lugere rugosam satagens vitam
 Ridetur; annosá velut ilice
 Cadente, si quis rusticorum
 Lachrymulas velit impetrare.
 Hac fæce sæcli scilicet utimur
 His inquinatis moribus improbi,
 In Numen ingrati, & senile
 Nomen honore & amore dignum.
 Tu laude priscâ dignior optime
 FREIVVALDE, Saræ qui Lachesin tuæ
 Hannæq; canæ fata ploras,
 Exuviis sua justa reddens.
 Dignus maritæ stamina longius
 Excedere annis; quodq; negaverat
 Natura Brumæ, vere post, &
 Messe frui, sapidoq; mulso.

Simon Malsius D. J. U.
Aula Cæs. Com. Consil. ac
Leg. Oldenburg. utriusq;
Dicast. sec. & Eccles. Jever.
Pres.

E 2

Opti-



Optimus ut Deus est, sic & divina voluntas
 Optima, & hac causam, cur ita, semper ha-
 Hac quavis lateat ratione abscondita nostra; (bet.
 Omniscio latitat non tamen illa Deo,
 Nec successus cum rebus defraudat agendis:
 Nam simul & sapiens, & simul omnipotens.
 Denique in medio pater est qui manetque reatu,
 Seu feriat, pater est, seu beet, usque pater.
 Ergo tibi Uxorem quod, Vir Clarissime, Lethum
 Abstulit, hoc factum sic moderante Deo;
 Scilicet ille Diem moriendi & Tempora ponit
 Omnibus, arbitrio sola relict a suo.
 O quantus dolor est, atque ingens cura Marito,
 Consociam vitam nunc caruisse sua.
 Sed quid agas? Summus voluit sic arbiter ævi,
 Hujus in obsequium Vir generosus eat.
 Libera mens cœli gaude septemplicis Aula,
 Conditaque in tumulo molliter ossa cubent,
 Spirantes violas & in urna perpetuum Ver
 Excitet assidue Dextra benigna Dei.

Sebastianus Ulricus
 U. J. D. auct. & ed.

Siste



Siste modū lachrymis, Freivvaldi, namq̄, quie-
 Conjux, quæ seclis fessa & anhelata fuit. (scit
 Quæ pertesa fuit vitai tempore longo
 Jam gelido letho fata soluta subit.
 Florentem viduum mundo te linoquit, & optat
 Omine quò fausto vota secunda pares.
 Quid facias? Freibald veluti citò nube vocaris:
 Hoc fac, quod nomen te meminisse jubet.

L. Iohannes Höpffnerus Profes.
 ad D. Thom. Archidiac.

Piè defuncta alloquitur Christum
 cum Hiob. cap. 19.

TUte meus quod sis non ambigo, Christe, redē-
 Quodq̄ potēs teneas cœlica regna scio, (tor,
 Obruta telluris quæ sunt hîc mole resurgent
 Membra, tui verè vivificantis ope:
 Hac iterumpellis redi vivos vestiet artus,
 Teq̄ induta meâ carne videbo DEUM,
 Ipsa meis oculis utar visura DEUM Te,
 His ego, non alius sum fruitura bonis.
 Exuvias posui moriens hac corporis urnâ
 Spe expectans summum divite leta diem.

Simon Candgrave D.

E 3

Vita



Vlta quideſt hominis niſi cura & ſollicitudo,
 Perpetua anxietas, perpetuusq; labor?
 Nam quamvis longos vitæ perducimus annos
 Perpeſſi clades, inq; foro, inq; toro:
 Attamen haud ceſſat dura inclementia mortis,
 Sed tandem tacitis ſera venit pedibus.
 Felicẽ ergo tuam, Doct̃or FRETVVALDE, Maritã
 Quis neget? Ad Superos quam vocat orbe
 DEUS.

Paulus VVagner Brunſvicenſ.
 J. U. D.

Non hĩc obſcurus locus eſt; nam clara locata
 Matrõna in loculo ſplendidiore ſuo. (hĩc
 FRETVVALDI Coniux, variã virtute decora,
 Hĩc, inſtar ſtelle, poſt pia fata nitet.
 Multa hĩc ſcintilla rare pietatis; honeſta
 Hĩc ſplendor fama, hĩc irradiata Fides!
 Nulla hĩc ſunt tenebræ; tumulto nox nulla ſub hoc
 Sol fidei tenebras efficit eſſe diem. (eſt:
 Dilectæ quoties iuvat hũc vos ire Puella;
 Spectate hunc tumultum: lilia grata date.
 Virtutum Cultrix cubat hĩc FRETVVALDIA Con-
 Erepta bis terris fertur ad aſtra Poli, (iux:
 Omnis



*Omnis virgo Deo placet, omnis femina Christo;
 Virtutum tanto stans decorata choro.
 Tu, FREYVALDE, oculis lacrymas absterge bea-
 In Cœli Conjux vestra locata thronū est. (ta
 JESU, Dux vite, duc nos ad cœlica tandem
 Regna omnes! unum hoc nos miseri petimus!*

Gregorius Kleppifius P. Cæsa-
 rius, Scabinatus Elect. Sax,
 Actuarius.

*Cum tua deposuit fallacis tedia vite
 Conjux, cujus avos Lipsia clara notat,
 Anne doles? tantis quod casibus atq; periclis
 Prærepta, ac alti sede locata poli.
 Mors ipsi requiem tribuit, finemq; malorum,
 Amplius ut nunquam dura nocere queat.
 Debeat ergo tibi divina placere voluntas,
 Quæ debet nulli displicuisse homini:
 Nam tua cœlestem Conjux pervenit ad aulam,
 Gaudet in eternum perpetuumq; valet.*

Anno

Margaretha Georgha Freyvaldt, J.V.D.
 VXor Liberata est.

Salva



Z. 6 2218

Salvator ad piè defunctam.

Chara veni, dilecta veni, mea MARGARIS
adsis.

Ecce tibi vitæ pulchra corona datur.
Erepta est terrâ, in cœli suscepta viretum,
Et mundi variis libera facta malis.
Nullum agè tormentū mortis te torqueat, & non
Te vexent stygii tartara nigra Lupi.
Libera sis morbo, sis curâ libera ab omni,
Te non dira fames, se va sitisq; premat.
Sis mihi delitium, sis admiranda voluptas,
Et sis suaviolum, dulce decusq; meum.
Cœtibus Angelicis es jam sociata, nec ultra
Plangis, sed pangis voce perenne melos!

M. Johan. Wenckhemius
Minister verbi Thammen-
hain.

F I N I S.

1077



M

QK. 794.

70

Al
v. 5.



Christliche
Aus dem Sprüch
S. Mattha
Trachtet am ersten na
nach seiner S
Beym Begrebnis d
reichen

MARGA

Des Edlen vnd
Georgens von Fre
Doctorn, ehel

Welche den 22. Septem
zwey vhr zu Mittage in Lei
vnd den 25. Sept. Ch
ret

Behal

POLYCARPU
vnd Profe



Le

Gedruckt bey 2
Im B



V. 158.

